

Terms and Conditions

The Library provides access to digitized documents strictly for noncommercial educational, research and private purposes and makes no warranty with regard to their use for other purposes. Some of our collections are protected by copyright. Publication and/or broadcast in any form (including electronic) requires prior written permission from the Library.

Each copy of any part of this document must contain there Terms and Conditions. With the usage of the library's online system to access or download a digitized document you accept there Terms and Conditions.

Reproductions of material on the web site may not be made for or donated to other repositories, nor may be further reproduced without written permission from the Library

For reproduction requests and permissions, please contact us. If citing materials, please give proper attribution of the source.

Imprint:

Director: Mag. Renate Plöchl

Deputy director: Mag. Julian Sagmeister

Owner of medium: Oberösterreichische Landesbibliothek

Publisher: Oberösterreichische Landesbibliothek, 4021 Linz, Schillerplatz 2

Contact:

Email: [landesbibliothek\(at\)ooe.gv.at](mailto:landesbibliothek(at)ooe.gv.at)

Telephone: +43(732) 7720-53100

was entfallen. Und Eret wider. vnd stund auf
 de Bach des iordans. vnd schlug die wasser mit
 dem mantel helie. der im was entfallen. vnd sie
 teyten sich mit. Und er sprach. Wo ist nun got
 helie. Und er schlug die wasser. vnd sie teyten
 sich hin vnd her. Und heliseus vbergieng. Do
 aber das die sun der propheten. die yn ihericho
 waren. ersahen. sprachen sy hinwiderumb. Der
 geyst helie hat geruet auff heliseum. Sye kame
 im entgegen. vnd anbetten in. geneyget auf dy
 erde. Und sye sprachen zu im. Sih. mit deynen
 knechte sein funffzig starck man. die do muge
 geen. vnd suchen deinen herren. ob yn villeycht
 hab genumen der geyst des herren. vnd hab yn
 geworffen auff einen der berg. oder in eins der
 tale. Er sprach. Nicht wolt sende. Vn sy zwun
 gen in vntz das er in volgete. vnd sprach. Sen
 det. Und sie santen funffzig man. Und do sy
 in hetten gesucht drey tag. sie funde in nit. Vn
 kerten wider zu im. Und er wonet in ihericho.
 vñ er sprach zu in. Saget ich euch den nit. nicht
 wolt senden. Und die man der stat sprachen zu
 heliseum. Herr. sih. Die wonung der stat ist die
 bofest. als du selber sibst. wann dye wasser sein
 bos. vnd das land vnfruchtber. Und er sprach
 Bringet mir ein neues vaf. vnd lasset dareyn
 dz saltz. Vn do sy es hette gebracht. Er gieng
 auß zu dem brunnen der wasser. vnd leget dar
 ein das saltz. vnd sprach. Dife ding spricht der
 herr. Ich hab gesund gemacht die wasser. vnd
 furbas wirt mit in yn d tod. noch dy vnperhaf
 tigkeyt. Darub. dy wasser wurden gesund vntz
 an disen tag. nach de wort helisei. das er het ge
 redt. Vn heliseus gieng auß von dammen in bes
 thel. Und do er aufgieng durch den weg. Klei
 ne kind giengen auß der stat. vñ spottē seyn. sa
 gend. Steyg auff du kaler. steyg auff du kaler.
 Do er het vmbgesehen. er sah sie. vnd fluchet in
 in dem namen des herren. Vn zwen bern gien
 gen auß vō dem wald. vñ zerrissen auß in. zwey
 unduertzig kinder. Und er gieng auß von dan
 nen. an den berg carmeli. vnd von dammen Eret
 er wider in samariam.

Das. III. Capitel. wie das
 wasser den kunigen von iuda vnd israhel gege
 ben ward. durch das furbeth helisei. vñ wie die
 moabiten erschlagen worden.

Un in dem achtzeben
 den iar iosaphat des kunigs iude. re
 gieret iozam d sun achab yn samaria.
 vnd regieret zwelff iar. vnd er tet das vbel vor
 dem herren. aber nit als sein vater vnd sein mu
 ter. Wan er tet hm dye scul baal. die seyn vater
 het gemacht. Jedoch zuhaffte er den sun den
 iheroboā des suns nabath. der do machet sun
 den israhel. vnd schyede sich nicht von in. Und
 mesa der kunig moab furet vill vñ vergal
 te dem kunig israhel hunderttausent lemmer. vñ
 hunderttausent wider. mit iren velen. Und do
 achab was tode. er vbergieng das gelubde. das
 er het mit dem kunig israhel. Darub iozam der
 kunig gieng auß an eine tage vō samaria. Vn
 zelet alles israhel. vnd sant zu iosaphat dem kun
 nig iuda. sagend. Der kunig moab hat sich ges
 cheyden von mir. Kun mit mir zestreyten wider
 moab. Er antwort. Ich will aufgeen. Der dein
 ist. d ist mein. Mein volck. dein volck. Vn meyn
 ne rof. deine rof. Vn er sprach. Durch welch
 en wege steygen wir auf. Vn er antwort durch
 die wust ydumee. Darumb der kunig israhel. vñ
 der kunig iuda. vnd der kunig edom. zohen vnd
 vmbgiengen durch den weg siben tag. Und de
 heer was mit wasser. vñ den vyhen. die yn nach
 uolgten. Vn der kunig israhel sprach. heu. heu.
 heu. Got hat gesamelt drey kunig. dz er sy ant
 wurt in die hend moab. Und iosaphat sprach.
 Ist kein weysag des herren. das wir bitte den
 herren durch in. Und einer vō den knechte des
 kunigs israhel antwort. Nye ist heliseus d sun
 saphat. der do gof wasser auff die hende he
 lie. Vn iosaphat sprach. Ist das wort des her
 ren bey in. Vn der kunig israhel stig ab zu im
 vñ iosaphat der kunig iuda. vñ der kunig edom.
 Und heliseus sprach zu dem kunig israhel. wz
 dings ist mir vnd dir. Gee zu de weysage dey
 nes vaters vnd deiner muter. Vnd der kunig
 israhel sprach zu im. Warumb hat gesamelt d
 herre dife drey kunig. Das er sie antwort in dye
 hend moab. Vn heliseus sprach zu im. Der her
 re lebet yn des angesiht ich stee. Vn ob ich nit
 erete das antlytz iosaphat des kunigs iude. ach
 het dich nit gemercket. noch angesehen. Aber
 nun furet zu mir ei. kunstenreiche harpfer. Vn
 do d kunstreych harpfer sang in der harpfe. do
 ward die hand des herren ob im. vñ sprach. Di
 se ding spricht der herre. Machet dz gestat dis
 ses bachs graben. vnd graben. Wan dife ding